



Tel: 035/668 650 A. Izetbegovića 60-2. 75246 Čelić E-mail: info@opcinacelic.ba
Broj: 02-45-1069/24
Čelić, 29.07.2024. godine

Na osnovu člana 70. stav (1), (3) i (6), članova 88. i 89. Zakona o javnim nabavkama Bosne i Hercegovine („Službeni glasnik BiH“ broj: 39/14 i 59/22) (u daljem tekstu: Zakon) i člana 39. Statuta Općine Čelić („Službeni glasnik Općine Čelić“ broj: 3/17) (u daljem tekstu: Statut), na preporuku komisije za nabavku broj: 03-45-1069/24 od 26.07.2024.godine, u postupku javne nabavke konkurentski zahtjev za dostavu ponuda za javnu nabavku usluge „Izrada lokalnog ekološkog akcionog plana Općine Čelić 2024-2028“, Općinski načelnik donosi:

ODLUKU
o izboru najpovoljnijeg ponuđača

Član 1.

Prihvata se preporuka komisije za nabavku broj: 03-45-1069/24 od 26.07.2024.godine i ugovor o nabavci usluge „Izrada lokalnog ekološkog akcionog plana Općine Čelić 2024-2028“ dodjeljuje se ponuđaču „nLogic“ d.o.o. Sarajevo, ponuda broj: P-161-24 od 15.07.2024.godine, zaprimljena na protokol ugovornog organa dana 17.07.2024. godine sa najnižom ponuđenom cijenom u iznosu od 17.000,00 KM bez PDV-a.

Član 2.

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke dostavi originale ili ovjerene kopije dokumentacije navedene u tenderskoj dokumentaciji broj: 02-45-1069/24 od 16.04.2024.godine.

Član 3.

Prijedlog ugovora o nabavci dostavit će se na potpis izabranom ponuđaču iz člana 1. ove odluke i to najkasnije u roku od 10 (deset) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

Član 4.

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona, istovremeno sa upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak javne nabavke usluge „Izrada lokalnog ekološkog akcionog plana Općine Čelić 2024-2028“ pokrenut je odlukom o pokretanju postupka javne nabavke broj: 02-45-1069/24 od 29.03.2024.godine. Predmetna javna nabavka provedena je putem konkurentskog zahtjeva za dostavu ponuda. Procijenjena vrijednost javne nabavke iznosila je 38.000,00 KM bez PDV-a. Obavještenje o nabavci broj: 306-7-2-48-3-19/24 od dana 16.04.2024. godine,

ispravka za obavještenje o nabavci broj: 306-7-2-48-8-22/24 od 23.04.2024.godine, ispravka za obavještenje o nabavci broj: 306-7-2-48-8-24/24 od 31.05.2024.godine, odnosno 306-7-2-48-8-34/24 od 09.07.2024.godine.

Komisija za javnu nabavku imenovana rješenjem o imenovanju komisije broj: 02-45-203/24 od 22.01.2024.godine, nakon provedenog postupka otvaranja ponuda u skladu sa članom 63. Zakona, dostavila je ugovornom organu – općinskom načelniku zapisnik o pregledu i ocjeni ponuda broj: 03-45-1069/24 od 19.07.2024.godine, preporuku o izboru najpovoljnijeg ponuđača broj: 03-45-1069/24 od 26.07.2024.godine i izvještaj o radu komisije broj: 03-45-1069/24 od 26.07.2024.godine.

U postupku po Izvještaju o radu utvrđeno je da je Komisija za javne nabavke blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku javne nabavke pristigle 4 (četiri) ponude i to: „nLogic“ d.o.o. Sarajevo, Grupa ponuđača: “Enova“ d.o.o. Sarajevo i „CETEOR“ d.o.o. Sarajevo, ponuđač Institut za građevinarstvo „IG“ d.o.o. Banja Luka i „TQM“ d.o.o. Lukavac,
- da su blagovremeno primljene 4 (četiri) ponude,
- da nije bilo neblagovremeno primljenih ponuda,
- da ponude ponuđača „nLogic“ d.o.o. Sarajevo, Grupa ponuđača: “Enova“ d.o.o. Sarajevo i „CETEOR“ d.o.o. Sarajevo, ponuđač Institut za građevinarstvo „IG“ d.o.o. Banja Luka i „TQM“ d.o.o. Lukavac ispunjavaju kvalifikacione uslove predviđene tenderskom dokumentacijom, te su ocijenjene kao prihvatljive.

Pregledom i ocjenom ponuda nisu uočene računске greške kod ponuđača.

Pregledom i ocjenom ponuda utvrđeno je da ponude ponuđača „nLogic“ d.o.o. Sarajevo i „ENOVA“ d.o.o. Sarajevo zahtijevaju pojašnjenje (u skladu sa članom 68. stav 3. Zakona) po pitanju potvrda o radnom iskustvu za inženjere, odnosno „nLogic“ d.o.o. Sarajevo za diplomiranog inženjera građevinarstva a ponuđač „ENOVA“ d.o.o. Sarajevo za diplomiranog inženjera elektrotehnike. S tim u vezi, komisija za nabavke je navedenim ponuđačima dostavila zahtjev za pojašnjenje navedenih potvrda, te su isti blagovremeno dostavili traženo.

U potvrdi o radnom iskustvu broj: 16-P-24 od 15.07.2024.godine između ostalog navedeno je da je Nadir Madžarević, diplomirani inženjer građevinarstva zaposlen u stalnom radnom odnosu u kompaniji „nLogic“ d.o.o. Sarajevo od marta 2023.godine a da je imenovani u kompaniji prije zaključenja ugovora o radu bio angažovan kao stalni vanjski stručni saradnik od 2019.godine. U potvrdi nije naveden tačan datum početka angažmana kao stalnog vanjskog saradnika kao ni završetak istog, iz kojeg komisija može utvrditi da li imenovani ima najmanje 3 (tri) godine iskustva u struci.

Pojašnjenjem navedenog, koje se nalazi u prilogu ovog Zapisnika, komisija je utvrdila i ocijenila da su navodi iz potvrde tačni, te navedeni zahtijevani inženjer ima 3 (tri) godine iskustva u struci kako je traženo tenderskom dokumentacijom. Naime, Memorandum o saradnji zaključen je 01.11.2019.godine, kojim je Nadir Madžarević, diplomirani inženjer građevinarstva angažovan kao stručni saradnik za realizaciju određenih projekata iz oblasti građevinarstva. Navedeni memorandum je sporazumno raskinut dana 13.03.2023.godine, a od 14.03.2023.godine se isti nalazi na listi osiguranih lica kod ponuđača.

U potvrdi o radnom iskustvu u struci broj: 1332-1/24 od 17.07.2024.godine u kojoj je između ostalog navedeno da je Esmā Manić, diplomirani inženjer elektrotehnike zaposlena u „Enova“ d.o.o. Sarajevo u stalnom radnom odnosu od 11.07.2019.godine, na dan izdavanja ove potvrde ima ukupno 24 godine, 8 mjeseci i 17 dana radnog iskustva na poslovima u struci; a na listi osiguranih lica za obveznike broj: 13-2/12-45-2844/24 N. DI. od 30.05.2024.godine, gdje je navedeno na rednom broju 31. za Manić Esmu se nalazi na listi „Enova“ d.o.o. Sarajevo sa datumom početka osiguranja sa VSS od 01.02.2023.godine.

Pojašnjenjem navedenog, koje se nalazi u prilogu ovog Zapisnika, komisija je utvrdila i ocijenila da su navodi iz potvrde tačni, te navedeni zahtijevani inženjer ima minimalno 3 (tri) godine iskustva u struci kako je traženo tenderskom dokumentacijom. Naime, imenovana je kod ponuđača zasnovala radni odnos 11.07.2019.godine, pa je isti raskinut 31.08.2020. godine. Dana 01.09.2020.godine je zasnovala isti, pa je radni odnos raskinut 31.01.2023. godine. Dana 01.02.2023.godine je ponovo zasnovan te se Esmā Manić još uvijek nalazi na listi osiguran lica kod ponuđača. Radni odnos po svim navedenim prijavama je zasnovala kao diplomirani inženjer elektrotehnike.

Komisija za nabavke je dana 26.07.2024.godine, po prispjebu navedenih izjašnjenja ponovo izvršila pregled i ocjenu ponuda te je ustanovila da ponude ponuđača „nLogic“ d.o.o. Sarajevo, Grupa ponuđača: „Enova“ d.o.o. Sarajevo i „CETEOR“ d.o.o. Sarajevo, ponuđač Institut za građevinarstvo „IG“ d.o.o. Banja Luka i „TQM“ d.o.o. Lukavac, ispunjavaju kvalifikacione uslove predviđene tenderskom dokumentacijom, te su ocijenjene kao prihvatljive. Navedeni ponuđači dostavili su tražene dokaze zahtijevane tenderskom dokumentacijom na propisan način.

Komisija za nabavku nakon ocjene ponuda konstatovala je da je najpovoljnija ponuda ponuđača „nLogic“ d.o.o. Sarajevo, te je na osnovu navedenog dala preporuku ugovornom organu da se ugovor o predmetnoj nabavci zaključi sa ponuđačem „nLogic“ d.o.o. Sarajevo sa najnižom ponuđenom cijenom u iznosu od 17.000,00 KM KM bez PDV-a.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponude, u skladu sa kriterijumima iz tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona, člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23) i člana 39. Statuta, odlučeno je kao u članu 1. ove Odluke.

Uputstvo o pravnom lijeku:

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od 5 (pet) dana od dana prijema ove Odluke. Žalba se podnosi u pisanoj formi i u dovoljnom broju primjeraka, koji ne može biti manji od tri (3).



Dostavljeno:

1. Ponuđačima (4x)
2. Komisiji za nabavke
3. Stručna služba Općinskog vijeća, Općinskog načelnika i zajedničkih poslova
4. Za općinsku web stranicu
5. Evidenciji
6. Arhivi